

ამერიკის სავაჭრო პალატის სასტიპენდიო პროგრამა ეკონომიკაში

ამერიკის სავაჭრო პალატა აცხადებს 6 თვიან სასტიპენდიო პროგრამას (1 ივლისი – 31 იანვარი – აგვისტოს გამოკლებით). პროგრამის მიზანია ხელი შეუწყოს სტიპენდიანტებში ცოდნის ამღლებას საქართველოს ეკონომიკური და ბიზნეს საზოგადოების შესახებ. სტიპენდიანტები ამას შესძლებენ ამერიკის სავაჭრო პალატის ხელშეწყობით და პუბლიკაციების წერით ამერიკის პალატის ყოველთვიურ ჟურნალ Investor.ge-სთვის. სტიპენდიანტებს ჩაუტარდება ტრენინგები წერითი და ბიზნესის ანალიზის უნარების გასაუმჯობესებლად. სტიპენდია შეადგენს თვეში 400 აშშ დოლარს.

რას მიიღებს სტიპენდიანტი?

- ექვს თვიანი სტიპენდია საქართველოს ერთ-ერთი ყველაზე უფრო რესპექტაბელური ბიზნეს ასოციაციიდან თვეში 400 აშშ დოლარის ოდენობით;
- ბიზნეს სექტორის ანალიზისა და ბიზნეს საკითხების კვლევის შესაძლებლობა;
- ინგლისურად წერის უნარების სრულყოფა;
- პროექტების მართვისა გამოცდილება;
- გააცნობიერებს საჯარო პოლიტიკის განვითარების პროცესს და ბიზნესის ურთიერთობას მთავრობასთან.

რა მოეთხოვება სტიპენდიანტს?

- მოკლე სტატიების წერა investor.ge-სთვის;
- მცირე მოცულობის სექტორის ანალიზის განხორციელება და პროექტის განვითარების ხელშეწყობა;
- რაც შეიძლება მეტი დრო დაუთმოს მუშაობას პროექტის ფარგლებში. შესაძლებელია პროგრამა მოქნილი იყოს სტუდენტებისთვის, მაგრამ უპირატესობა მიენიჭებათ აპლიკანტებს, რომლებსაც შეუძლიათ პროგრამას სრული სამუშაო დრო დაუთმონ.

მოთხოვნები:

- სტიპენდიანტი უნდა იყოს ქართველი;
- სტიპენდიანტს დამთავრებული უნდა ქონდეს ბაკალავრიატი და ჩართული უნდა იყოს სამაგისტრო პროგრამაში (აბარებდეს მაგისტრატურაში, სწავლობდეს ამჟამად ან ფლობდეს მაგისტრის ხარისხს). პრიორიტეტი ენიჭება ეკონომიკის, ბიზნესის და ჟურნალისტიკის სპეციალობის სტუდენტებსა და კურსდამთავრებულებს
- აუცილებელია ინგლისური ენის კარგად ფლობა

- კარგი მათემატიკური უნარები. სასურველია, მაგრამ არა აუცილებელი, ექსელში მუშაობის კარგი ცოდნა
- უპირატესობა მიენიჭებათ პირებს, რომლებიც არ არიან თბილისის მაცხოვრებლები.

აპლიკაციები უნდა გაიგზავნოს ბელა მაკარიძესთან (b.makaridze@amcham.ge) ა.წ 12 ივნისამდე. სააპლიკაციო დოკუმენტები მოიცავს:

- CV + სამოტივაციო წერილი
- აპლიკანტის მიერ ინგლისურ ენაზე დაწერილი ნაშრომი. მაქსიმუმ 1000 სიტყვა. ნაშრომი შეიძლება იყოს საქართველოს ეკონომიკასთან დაკავშირებულ ნებისმიერ თემაზე, თუმცა ჩვენ გთავაზობთ შემდეგ თემატიკას:
 - რა ჭირდება საქართველოს რომელიმე კონკრეტული სექტორის ზრდისთვის? (შეგიძლიათ აირჩიოთ სექტორი).
 - რა არის ყველაზე დიდი შესაძლებლობა საქართველოს ეკონომიკისთვის ამჟამად?
 - რა არის ყველაზე დიდი დაბრკოლება საქართველოს ეკონომიკური განვითარებისთვის?